

دقن عيرة



أبو دقن عيرة

بيستقوى

وفاكرني ضعيف

عامل لنفسه تسعيرة

وكلامه سخيف

عايش فى وهم

الكبير مالميه

على كل لون

حياة تلاقية

تشوف ملامحه على المنبر

تقول : ملاك

الله اكبر

وهو مجرم وبياكل

جميع حقوق الناس حواليه

أبو دقن عيرة بيستقوى

وفاكرنى ضعيف

كداب بدرجة "نمبر وان"

ولاعمره حس فى يوم بينا

كان اجتهاده فى ظلم الناس

خازوق ومزروع وسطينا

ابو دقن عيرة بيستقوى

وفاكرني ضعيف

ثعبان وفي الملمس ناعم

وبيتاجر بكام شعرة

ومش حافظ آيات ربه

لكن واخداه قوي النعرة

ونابه أزرق مالوش توصيف

تقول حريف !!

وانا عمرى ما أكون مكسور

ومش راح أقص انا ريشي

وسمك اللي فرحان بيه

هيفضى فى يوم على أيدى

يا درويشي

علشان تبطل تستقوى

وتشوفني ضعيف

.....